

天一閣集

天一閣集卷之十三

四明范欽安卿 著

次韻聞周大卿得代東歸二首

離思經年苦鬱蒸，恰聞歸旆下鍾陵。
花深古驛春齊發，月滿空江夜獨乘。
人世漫看滄海變，野情長共白雲層。
祇防吳楚懸軍地，南顧猶煩

聖慮凝

聽徹驪歌逸氣蒸，種瓜今復似東陵。
家臨海徼書先達，道出山陰興可乘。
梅雨細霏帆影重，麥風晴捲浪花層。
竹林舊侶遙相待，嶺樹江雲望日凝。

喜大卿至

野曠雲間獨鳥飛
石門搖曳暮帆歸
一身天地同漂梗
四海風塵幾拂衣
卧向林中食石髓
醉沿江畔訪漁磯

賜金日日堪娛客
况復年華入古稀

哭全汝禮二首

騎鯨忽漫向華胥
回首關河紫氣虛
宣室當年堪賈誼
茂陵今日哭相如
水山空結幽人調
琬琰長垂太史書
昭代恤恩崇舊學
漫將騷怨寄三閭

白髮滄江涕泪懸
故人高誼總堪憐
京華聽漏連床

夜鄉國飛觴結社年不見風前輝玉樹恍聞天上輶
金蓮新阡宰木憑誰問淒斷空山日暮鵲

夏日次李賓甫

溪堂過雨颭如飈散帙焚香思轉悠聽鳥有時還徙
坐采蓮何處却歸舟穿林密篠娟娟淨近水輕鷗片
片浮河朔未應追往事年來澹泊已無求

次韻懷賓甫

南薰應節麥先秋槐閣芸窓引興悠念爾獨栖雲海
野與誰同汎木蘭舟坐憑日月環中轉笑領煙霞枕
上浮瓊重高懷那得並可容羊仲日相求

過賓甫

日來病嬾踈游行忽漫經過語笑繁愧下高人徐孺
榻知非食客孟嘗門炎天倍覺松風爽僻地惟留花
雨喧西去草堂應不遠儻因乘興一停軒

秋懷四首和東沙

天風蕭瑟攬衣裘亂水殘花照白頭嬾似嵇康猶玩
世感深宋玉獨悲秋閨中擣素催砧杵河畔乘槎待
斗牛一曲商歌千古抱不妨吾道在滄洲

世事蹉跎嘆陸沉可堪虎豹九關深慙非和氏連城
璞肯羨文園賣賦金薊野雲風千里目江鄉蓴鱸九

秋心懷中龍劍今何在羞澁年來恐不任
江門東下即蓬萊淒日寒雲鬱未開悵我久懸填海
抱可誰深負濟時才上林道遠鴻難達阿閣巢空鳳
不來俯仰乾坤成一嘯詎須重問郭生臺

江門一夕變青楓南下關河急斷鴻四野水雲連霧
白九邊烽火徹天紅壯心歷亂長歌外往事淒涼短
鬢中丹訣欲從僊侶問海天東望正無窮

次東沙村居課穫三首

力穡經年樂有穠田園勝事一時收雨殘江閣猶聞
鳥日暮溪林且放牛綠醕杯中閒自泛白雲身外澹

天一閣集 卷之三
無求欲知帝力今何有擊壤長歌海上洲

林居無事覺安便絕似空門不二禪露濯蕪葭供遠眺涼深梧竹恣高眠

朝廷正值中興日野老重歌大有年爲報向來猿鶴道煙蓑風笛足延緣

雲樹陰陰覆遠沙由來幽興屬山家溪田秫熟時供釀寢廟筵開更薦瓜不柰年光隨燕雀祇將踪跡寄煙霞恩深一飯猶難報敢問玄都舊看花

寄題陳梧岡司寇牡丹園

華園故傍海門開次第名花遶徑栽却羨丹葩迎日

笑不知僊種自天來香浮曲几過雲細潤夏清涼
露陪幽賞謾嗟鄉國遠早聞商鼎待調梅

題包庸之碧岑樓

縹緲層樓枕石臺江天風景四時開地連滄海奔濤
合門對西山爽氣來抗世獨懸高士榻揮毫誰擅大
夫才亦知西北神京在斜日長雲首重回

遊天童寺

早從圖記識名山碧殿秋晴試一攀天削芙蓉開九
障雲深松檜裊三關坐憑星斗虛無裏醉拂流霞縹
緲間借問天僊何處所好驂鶴馭月中還

小童作

特尋寶塔禮中峯回首西林隔幾重
透戶澄潭涵水月懸厓古栢偃虬龍
悟來忽度彌天劫靜裏初聞子夜鍾
何日再脩蓮社約梵宮深處共從容

送鄭廣文尹淳安

郎星奕燁引雙旌百里封疆寄此行
路指山城春草合舟停江館暮潮平
卽看敷政追朱邑已報傳經似馬融
枳棘暫栖何足問上林花日待遷鶯

黃資禮莊居燕集二首

楓葉蘆花秋滿舡石門江閣靜浮煙
行穿積水孤城

盡坐對空山落照懸興逸正堪親白鳥醉來還欲展
青天相看總是餐霞侶未信滄瀛別有僊

郭外川原不斷遊一尊今復對芳洲沙平白石和雲
種天迥滄江抱日流顧我久諳麋鹿性輸君重典鵬
鷖裘何當見雪仍乘興獨上清溪後夜舟

和豐南禺八月十六日夜坐

月賞今宵較昨稀廣寒叢桂尚芳菲風牽獨戍初聞
角霜落千門盡搗衣極目關山空北望繞枝烏鵲竟
南飛可憐湖海逃名者猶自懸情賦式微

和南禺九月初四日遣興

木落江空砧滿城霜清天迥鴈來聲年催白髮侵人
短節近黃花入眼明吟嘯祗應侔阮籍行藏誰復問
君平不知鷗鳥緣何事長日磯頭管送迎

王同伯宅賞菊

十月暄妍天未霜君家芳菊遶華堂
携朋不減蘭亭會對景難同栗里鄉
銀燭含風輕駐影瓊杯承露暗浮香
從來勝賞恒難遇醉倚雕欄興轉長

壽王惟和二首

少日文華迥射牛稀年華髮且盈頭
逃名跡類嵇中散玩世情憐馬少游
一曲水山時按調

君善琴

千峯煙

月幾登樓誰言遠興無極欲向滄溟理釣舟
清朝名隱合高萊眼底如君亦俊才曲巷門廬依五
柳居柳舊家冠冕數三槐林中見月頻呼酒江上乘
春獨探梅何幸非才叨結並百年高誼薄陳雷

戊辰元日遙賀即事

朝正鐘鼓逼年催望闕衣冠徹曉陪一葉堯階舒寶
筴三陽倫瑄應瓊灰迎祥欲獻椒花頌薦壽宜飛栢
葉杯共識雄圖思猛士大風重自帝鄉來

壽余遷安大尹

賦歸栗里恣徜徉時論今成大老鄉已羨詩篇傳海
內尚留花色照河陽雲深翠塢開碁局秋逼黃花薦
壽觴門外放舟三島近幾從僊侶覓奇方

送周廣文象賢赴襄藩

斜日高歌一劍雄漫因散秩嘆途窮花邊作吏推潘
岳帳下傳經羨馬融漢浦移舟天並遠兔園奏賦雪
彌工祗今

明主憐蒼赤前席還應陋漢風

寄題周象賢太霞山房

漫遊曾上碧鷄峯南去霞山更萬重白晝中林行日

月青天高掌削芙蓉飯牛客倦披雲卧採藥人歸
露春見說勝區神已往問君何術馭茅龍

贈朱惟平尚書赴召時治河濟上

徵書新下建章宮北去河山按轡雄水土甫平虞伯
禹股肱真領漢司空履聲遙聽星辰上天語親承殿
陛東今日

聖明資獻納不須折檻嗣家風

寄袁少叅抑之

搖落江天倚暮秋中原回首迥含愁雲開高嶽千峯
出霜落黃河一線流征賦幾年疲北餉文名當日冠

南州欲知

明主恩偏渥抗疏如君幾宦遊

寄譚二華司馬

薊門形勝拱神京司馬今當大典兵萬里山川迴氣
色一時魚鳥避威名天空紫塞烽全歛春入黃河草
盡生見說昔年籌國者朔方曾築受降城

秋夜東沙招翫月不赴得中字

秋宵爽氣接遙空遊賞誰高庾亮風山閣故臨湖水
上酒杯今倒月明中寒催砧杵千門動暈結河山一
鏡融他夜清輝應不減何因重探藍珠宮

對月懷曹南禺

謝病經年罷論文月明能不念離群
當秋樓閣煙中出入夜笙歌水上分
獨抱常編希孔氏共推詞賦傳
楊雲邇來高抱稱蕭瑟莫遣鴻聲數到君

秋懷

芳春抱病掩林扉轉眼秋光又授衣
遠道雲風千里隔故人霄漢尺書稀
愁來漫鼓馮驩鋏興短難尋庾亮磯
不分寒蛩悽惻甚相隨華月伴深闌

夏日同王惟和張惟本陳德範舍弟大卿集柳亭

岐路逢飄各一方故園星聚屢經霜不妨草坐頻談
劍况有槐陰正壓牀短鬢祇憐青鏡改閒情翻覺白
鷗忙海濱近報兵戈偃痛飲寧辭此日觴

和賓甫秋林晚興

秋來無事掩柴關澹日輕雲洗病顏卧聽清砧浮近
郭行看紅葉映空山籬邊水落鴻初到江上月明漁
自還碁局酒杯渾不管祇應詩債滿人間

惟本宅賞菊

江城冬日盛煙霜競喜君家菊滿堂不有高懷輸慷
慨祇教名品恣淒涼月臨瓊砌香魂裊霞簇金盤酒

思長亦是柴桑接隱客白衣何日更相將

聞虜驚

天驕何事亟南侵
薊北遼陽轉戰深
凍合黃河沙磧近
風高紫塞羽書沉
金甌

烈祖千年業滄海微臣獨夜心
不少當年謀國者忍令蕭颯到于今

送謝廣文遷秀水

博士談經閱幾秋
又看捧檄向西州
鴈衝古堞天橫野
潮蹴空江月滿舟
兩地人文非昔日
三吳山水是奇遊
不堪回首思君處
落木千峯獨倚樓

中秋集陳振道宅

虛庭展席晚涼生
天入中繩月倍明
海甸星稀鳥下影
薊門霜老鴈來聲
辭榮並是陶彭澤
縱酒誰當阮步兵
南北羽書今報罷
漫教清嘯出巖城

東沙招湖中汎月不赴

朗月澄湖四望開
山堂移席好深杯
畫舫乍向沙頭發
僊樂紛從樹裏來
水激蒼龍爭噴薄
夜深孤鶴與徘徊
遙知不減庾公興
空愧當年佐才

張纓泉宅同王鵬江段象岡袁池南諸公賞菊
陶令高風不可攀
偶因賞菊始開關
寒雲澹日蕭森

裏碧樹青苔掩映間
冠冕一時同對酒乾坤
開顏欲裁楚賦慙難就
霜月橫天獨夜還

次日復集和東沙

穠老寒城艷菊高
笑看清賞結同袍
華園海內還金谷
名品霜前幾鳳毛
菊名坐倚蒼山催送酒
調餘白雪羨揮毫
當年栗里逃名客
何似君家發興豪

初春集惟本紫微莊

薇莊名勝午橋齊
春賞逢君得重携
溪隱竹林疏鳥道
風暄花塢促鶯啼
放懷天地頻呼酒
極目江山一杖藜
我亦有園慙接近
常年沙草祗萋萋

送沈嘉則應聘遊楚

楚國山川天際開，風流詞客海門來。
卧聽瓜步潮侵岸，醉倚章華月滿臺。
秬羨玉麟終瑞世，誰言鸚鵡不憐才。
別懷無那西河悵，峽日衡雲首重回。

賀李孝甫賓甫遷居

君家兄弟二難如，市隱仍堪共結廬。
春到風光娛燕雀，日高花氣靜琴書。
庭前好種三槐樹，門外時停駟馬車。
見說明揚動

聖代可同樗散賦閒居

貽程廣文輝

頻年避俗偃柴荆倒徙誰高國士名興滿江湖餘浪
迹風流甌海舊傳經未論龍劍神初合自得驪珠眼
倍明矯首玉山橫絕漢將回著賦見平生

寄宋鎮山尚書

雪壓離亭罷酒卮梁園回首十年時每依北斗占台
象獨對西風感鬢絲滄海月明龍卧穩薊門天濶鴈
書遲因君一問春池草他夜能堪入夢思

寄少峯林侍郎

南天斗氣倚氤氲有客高居閩海濱作弼久應收素
望閉門聊復草玄文離心桂嶺懸雙劍昔同官桂林接跡

蘭臺近五雲子舉進士莫問行藏何日定鏡中華髮已紛

寄鍾陽馬尚書

天衢龍馬躡雲先

帝寵司農謝病年去後幾飛丹闕夢閒中定賦白雲
篇賭基墅結東山好曳履名高北斗懸便欲凌風驟
白鶴相期蓬海訪真僊

集屠襄惠公山亭酬國嘉二首

太傅遺榮早閉關草堂雲物共開顏賓朋此日初相
過霄漢高風尚可攀桂樹小山懸谷口桃花流水出

人間洗杯移席情何極
月露橫空未擬還
窈窕山池不出城
綺窓朱閣競崢嶸
賞心暗與風花約
佳氣新憑水石呈
峰歛曙雲天共敞
波涵暝海月長生
浮觴倒屣俱能事
王謝風流千載名

追憶亡友俞禮卿學憲

含香早歲聯華省
意氣如君薄九垓
忤貴一時同下獄
移官何地不憐才
楓江未掛延陵劍
駿骨空餘薊野臺
短笛山陽聽不徹
吟猿唳鶴共悲哀

恭聞 今皇踐祚

天階廣樂沸雲英
帝座高臨紫極清
四海謳歌今

聖主萬年鐘虞舊神京赭袍日閃山龍色彩仗風收
象馬聲

列祖明靈期負荷願將繼述答昇平

寄陸給事貞山

早從投劾即懸車世路無回寄錦魚禁闥古寧容汲
孺茂陵今復臥相如丘中抵結談玄侶海內猶傳請
劍書出處由來曾不定山林鐘鼎意何居

壽張憲使子受二首

杏花看花奉昔遊青袍白馬曲江頭一從天上雲風
散幾見山中歲日流老我行藏餘白髮羨君心跡本

滄洲長春欲獻年年酒海日江花共倚樓

鄭西夫人眉髮青長日懸車思杳冥棠蔭魏郊官自
好劍摧嶺寇血猶腥花邊客過惟春蟻海上人傳是
歲星祗恐濟時需舊德簡書計日下彤庭

哀詔

太白中天午正開忽驚遺詔

帝京來龍媒自合承主筆燕寢誰當闢草萊望斷蒼
梧千古恨歌傳黃竹萬方哀微臣亦有攀髯思鶴轡
鸞驂去不回

寄同年呂信卿尚書

碧霄龍馬想風神四十年來榜內人銅柱早標南紀
績草堂重結北山隣乾坤詎意更

新主鼎鼐還應屬老臣多病腐儒滄海上嬾心已共
白綸巾

納涼

晚來常喜就南薰展席中庭對白雲榆塞月明宜下
鴈山堂秋至轉多蚊趨時勲伐從英達授老心情只
典墳銀漢西流群動寂高城清漏倍堪聞

初秋湖閣

坐憑虛閣俯蒼煙四顧澄湖共爽然心遠久踈還翫

夢年豐初給買書錢輕颼涼入中庭樹朗月晴浮萬
里天恠底宵闌猶不寐清歌時有采菱舫

澈姪受官鴻臚

牢落京華二十春喜逢獻績渙恩綸身當玉陛傳天
語名列金閨作近臣漫以馳驅供歲月好將忠孝答
君親栖遲愧我隣衰暮吟倚江天望北辰

簡汪仲安

白髮黃塵滿世間高居誰復似君閒書藏石室猶餘
簡地枕丹丘只閉關入夜澄湖流片月當秋落木靜
空山定知懸抱俱蕭颼安得乘槎一往還

送李方伯赴蜀二首

清朝俊望重藩翰西去無辭蜀道難秋壓怒濤三峽
靜天垂危棧七星寒巴歌應月尊前出郢樹排雲鏡
裏看輸輓到今民力盡封章早擬達金鑾

成都佳麗古來聞坐嘯微堂興不群江鎖黃陵煙月
澹城高白帝雪山曛興劉尚憶三分策諭蜀重誇百
代文他夜相思何處劇吟猿淒斷楚天雲

懷曹大叅几山

天涯不見陳思面歲暮空懸子博心倦客風塵雙短
劍故人書劄萬黃金霜橫庾嶺梅難寄月暗章江鴈

欲沉可似剡溪深雪夜扁舟瀟洒許相尋

次韻酬曹大參

使旌縹緲豫章來攬轡才名尚栢臺江畔鯨鯢驚復徙
天南鴻鴈喜初回十年蹤跡迷京國幾夜光芒矚斗台
白雪新詞真寡和知君元是郢中才

吳山人汝震遊汴

客思逢春渺未裁放歌西上亦雄哉風暄吳甸千花
暝天倒黃河萬里來寂莫霸圖空楚漢飛揚詞苑亦
鄒枚夷門俠士能相過買醉壚頭日幾迴

姚子應期被

赦還松江寄高封部

歸路蒼茫雲海東喜霑

恩霑出樊籠臨關不藉鳴鷄客閱世真同失馬翁鶴
淚華亭酣夜月花明黃浦笑春風過逢欲問高常侍
何日丹成馭碧空

送傅正郎北上二首

澹煙遲旭柳絲絲掛席江門慰別思春滿河山供麗
藻龍飛霄漢肇昌期名懸畫省含香後夢憶僊班
入對時江海一麾今五載

湛恩仍許到龍池

深居久廢藁我詩遠道真堪四牡馳

明主新頒堯正朔，侍臣重睹漢官儀。
煙消睥睨城鴉簇，日上采恩閣漏遲。
莫問玄都向來事，碧桃開落幾人知。

送呂敬叔倅全州

桂林風壤異他方，作宦逢君逸思長。
絕嶂連雲蘭五嶺，輕帆掛月泝三湘。
征蠻共惜王師老，吊古誰憐舜寢荒。
萬里橋邊逢驛使，可無書札下衡陽。

懷呂中甫沈嘉則

花發江城鴈北飛，可堪消息故人稀。
風塵客路行難定，湖海交情久或非。
遙漢漫酬鴻鵠志，滄洲空老白

鷗磯尋常梁月何由假徙倚南樓望少微

分題贈王鵬江郡守二首

四明山

崑崙南下萬峯懸赤水丹巒結洞天巖膏闕空鳴夕
籟石門迴日吐晴煙閉關合作山中相跨鶴時過海
上僊心賞知君應不負乘槎遙拂女牛邊

天井山

萬山盤礴峙孤峯絕頂迴看雲壑重派接銀河浮日
月寒生清晝起蛟龍溪林客過花迷岸蘿徑僧歸月
在松見說邑侯曾露禱滿天靈雨遍花封

贈王廣文正意

炎天王雪灑清芬傾蓋江城喜屬君失意虞卿初去
國耽遊司馬本能文觀濤滄海舟橫月立馬金山珮
染雲酒罷曉風催又發西占紫氣正氤氲

上元諸彥集天一閣即事

闌城花月擁笙歌僊客何當結軫過吟倚鰲峯誇白
雪笑看星駕度銀河苑風應節舒梅柳徑霧含香散
綺羅接席呼盧堪一醉向來心賞屢蹉跎

寄同年孔方伯汝錫

天涯消息苦難聞歲久心情倍憶君文宿迥當三晉

野亂峰晴結五臺雲高居不學嵇生鍛發憤真成遷
史文此日山中新釀熟欲因遥壽慰離群

送林學諭之保昌

桄榔雨過薦新涼縹緲雙旌下五羊典教祗應專國
士拜官兼喜傍家鄉橫琴坐對羅浮月撫劒光搖瀚
海霜節鎮昔叨還我憶好從父老問耕桑

送呂中甫遊晉

春草連天水綠波遠遊無那壯心何山盤河塞黃雲
斷路出關城紫氣多醉後風塵一回首古來天地幾
悲歌移文亦有山靈誚莫遣清霜上薜蘿

問賓甫疾

却暑常稱戲五禽病魔何意故相侵
未須零露披僊掌宜有涼颼散竹林
欹枕鳴蟬醒午夢向人芳草繫春心
年來我亦馳驅嬾長日停雲思滿襟

送聞光祿

朝來涼吹灑穠空望入長安氣若虹
淮甸月明嘶去馬薊門霜老斷征鴻
金華省直青霄近玉筍班趨紫禁同
世沐

國恩圖報稱肯令王謝擅英風

甲戌中槐黃資禮宅燕集

碧漢瓏澄萬里煙海門涼月漸浮天當杯但覺金波
漉倚閣真同玉鏡懸望極關山空戍客情牽砧杵自
嬋娟何如懽賞隨僊侶不待乘槎觸斗邊

朱鎮山致政 詔秉傳晉太子太保

早傳抗疏乞歸田

詔下新恩較獨偏白玉橫來殊稱德畫舫行處儼登
僊望高祖帳三千乘身濟時艱四十年欲識老臣猶
戀主夢魂時遶五雲邊

詔許致仕作

解珮歸來歲存更何緣

恩詔出承明，伏波薏苡心。仍見陶令田園計，始成滿
眼蒼山堪載酒。幾人清世獲逃名，交親意氣胡爲者。
却向風前嘆未平。

贈屠田仲

僊郎草奏下燕臺，客路先飄霧雨開。愛日久飛滄海
夢，凌雲共惜建章才。已看宮綺裁萊綵，更借恩波作
壽杯。解道北山曾有賦，不同故里畫遊回。

九日答徐子與會晉大叅追憶許子春李于麟
二首

落帽流風迥未禁，故人何地滿登臨。浮雲不盡千巖

色明月常懸萬里心漂泊歲華生白髮飛揚交態薄
黃金郢中故自雄高調不藉巴人始賞音

建節遙臨南斗開微垣猶荷

主恩培三山此日高詞賦七子當年數俊才濤白海
門飄氣老霜橫炎塞鴈書來因思擊筑長安侶寥落
于今罷酒杯

贈沈蓮橋九十二首正月十四日爲初度

宦成南楚賦歸田白鹿青牛興渺然祗羨山中稱宰
相那知世上有神僊花溪見月移歌舫竹塢留春散
酒錢少小輩流今幾在因君遙遯 茂陵年

趨來散髮卧蒼煙盡日橫塘聽采蓮鴻寶似從僊侶
得遺經不藉女郎傳上元火樹偏依月南極星芒正
燭天共識懽娛真有象飛觴長對和歌前

贈馬邑博掌教通州

擁帳談經歲屢周移官又指古揚州關門紫氣來天
上江寺潮聲過石頭坐使群芳深化雨行看孤鶩厲
高槐宦成他日思湖海可是當年馬少游

和黃資禮六十一歲自賦

甲子重開天上春望中花柳競芳新亦知故國懸車
日不作長門賣賦人興挾嘯歌猶黯淡坐深基局轉

精神外家兄弟如君少莫惜尊前漉酒巾

悼亡

零雨回風入夜偏孤燈華髮淚雙懸驚鷺影斷空施
鏡別鵲吟成遂絕弦漫對秦臺花底月猶迷巫峽夢
中天淒涼世事何當論海燕江鴻又一年

天一閣集卷之十四

四明范欽安卿 著

初春同客過湖閣

瑤島中盤蜃氣孤明樓四望渺春湖林鶯見雪歌猶
澁砌草迎風困欲蘇下榻祇應延賦客著書翻笑學
潛夫催花有術君知否解珮明朝付酒胡

題李賓甫蕭臯別業

山人蹤跡混漁樵卜築丹丘路不遙風掣江聲流石
榻樹分雲影過溪橋草玄著在寧投閣玩世名高且
避朝共信此生無別慕小山桂樹不須招

贈黃茂才還吳

把臂江門意氣雄
別顏何日更相逢
炎天驛路鳴榔外
細雨河橋對酒中
千里驂騑來逸步
九衢鷹隼厲高空
不堪林壑追隨夢
吹落金閨此夜風

程德孺移居寶雲禪房

蚤聞息駕在珠林
選勝還能此地臨
一徑香風行處繞
諸天法雨坐來深
經翻貝葉初周諦
坐擁蓮花不染心
笑我塵緣猶未遣
皈依何日寄幽襟

贈傅侍御慎所

捐珮何當下紫宸
淒涼滄海一綸巾
直披肝膽酬

明主肯帶鬚眉作婦人
萬里浮雲開黯淡
一時鳴鳳見風神
從來予奪皆

恩造
騷怨能無陋
楚臣

抄秋集十洲閣用臣字

種高湖上倚嶙峋
把臂重呼漉酒巾
東望海天寒色盡
北來沙塞鴈聲頻
幾從芳草思公子
詎是黃花對逐臣
世路驅馳應自解
莫將心賞混風塵

送陳定海入計二首

西風吹客上皇州
旌旛翩翩萬里遊
海甸月明鴻正下
薊門霜重潦初收
劒歌不作荆高技
藻賦還同楊

馬流凋瘵未蘇征稅亟好將尺疏達

宸旒

高城車騎競紛紛遠道無因綰使君勤政幾人高卓
茂傳家早自識陳群馬蹄夜出廬溝月龍氣晴披漢
闕雲

聖主咨詢周岳牧卑栖寧復滯江濱

寄題梅叅戎紫霞山房

子真神爽本星精卜築名山歲幾更遙夜靈光廻北
極曉天佳氣接蓬瀛餐來妙得逡巡術興在難禁汗
漫行回首赤城何處所徒令劉阮寄空名

春興

忽漫逢春却愛春，總多物色暢心神。
堂開巢燕仍依主，歲久池魚不避人。
綺陌風花行處滿，畫橋煙水望中新。
祇須羊仲時經過，濁酒高歌不厭頻。

仲德游梁楚失意來歸，悵然有作

江郭煙霜冬日微，何來詞客款荆扉。
黃塵載道餘寒色，白眼看人只故衣。
郢郢和歌神已倦，梁園買賦事全非。
入門謾作尋常語，猶恐深關不下機。

懷黎舍人瑤石

侍從翩翩漢代如，早年應

詔上公車憐才自合卑梁孝作賦誰當擅子虛草就
上方仍給札藜分太乙幾紬書何堪芳草連天遠長
日江門嘆索居

寄王龍溪同年

書問經年隔兩鄉邇來蹤跡定何方越王臺上暮雲
白賀監祠前春日蒼芳草幾迴思遠道啼鶻無處不
斜陽懸知道術榛蕪甚正議何人獨擅場

行經司馬書院

湖上山樓暎遠空別來愁恨若無窮眼看獨鳥棲寒
日心逐踈花散曉風萬事已隨人去後一尊猶惜月

明中不須過客重相問寂莫江流日夜東

送楊叅軍義問之汀州

武夷佳氣日氤氲
掣曳雙旌出海雲
名裔久推楊太尉
拜官新領漢叅軍
張油坐嘯餘成畫
倚馬揮毫半檄文
爲問向來諸父老
可誰談笑淨氛

至日稱賀

泰階遙曙紫微開
葭管飛灰淑氣回
丹鳳闕臨三殿迥
蒼龍馭轉七星來
霞觴競上南山祝
雲瑞重書太史臺
國典祇今虔大祀
受釐端復在蓬萊

壽同年少傅呂期齋公

早乘紫氣下天關，僊骨崢嶸世間調。
鼎黃扉時望重，垂綸滄海宦情閒。
中流砥柱猶堪倚，天路冥鴻未易攀。
已喜星暉聯北極，即看環召起東山。

秋日郡中游李葉諸君燕集和袁憲僉邦正

四首

湖上秋光湛碧空，相將遊賞荷群公。
清尊掩映江山出，高閣虛無日月通。
聽樂幾人臨洞野，褰帷自古羨雄風。
何當應禱天澄霽，滿地三農卜歲豐。

瑤臺突兀水中央，來往扁舟自不妨。
楓葉滿庭秋瑟瑟，波流蕩日晚蒼蒼。
雲霄氣色人千古，湖海襟期酒一觴。
黃菊紫萸還有興，也知來月是重陽。

丘林叢桂頗堪攀勝日招邀大小山坐傍草堂窺
窻行穿花徑弄潺湲沙邊白鳥窺人過海上閒雲送
客還試問星輝聯越野何如紫氣起函關

南天遙掛赤城霞東下蓬玄路不賒最喜五花停寶
馬恰逢八月引僊槎避風鴻雁深投渚出水芙蓉爛
放花誰意凌雲賦成後絲毫今又屬君家

王伯穀偕諸彥夜集

英英節俠起當年邂逅江門氣若僊白馬霏談傾稷
下朱絃古調出廬前月明不待期三五酒興何辭醉
十千草奏曉來動太史德星遥聚海東偏

送百穀

却來把臂即言旋客思交情各渺然不分丹楓隨地
滿獨餘白雪照人妍濤廻海甸千峯隔天落吳門匹
練懸他夜有懷能不减莫令孤負剡溪舡

哭弟禹卿四首

杳渺英靈歸未歸憑棺涕淚不堪揮傷心路已重泉
隔握手言何百事非問疾應節荆花愁自媚背風江

雁傍誰飛側身天地成今古獨對寒城晝掩扉

脾脫連雲綠滿溪舊廬近在郭門西眠同月下移花
影笑對風前數鳥啼勝事總隨流水去愁心無奈亂

雲低塘春碧草年年發猶恐孤蹤夢裏迷

蚤時髮燥共夷猶轉眼流華七十飜悵我浮名空白
首輸君高卧只滄洲成蹊到處看桃李俾俗從人喚
馬牛此態于今那可見淒涼巷陌罷歌謳

親闈背養兄先逝躑躅心情共苦辛正擬衾裯深歲
月詎知形影隔參辰定巢社燕空尋主墮地棠花不
復春幾處招魂招未得冥冥天壤劇風塵

答朱鎮山年丈

霜老寒城競授衣尺書何意問林扉黃梁客夢年來
見白首交情海內稀江渚月明賓雁下楚門天迥斷

雲飛何因縮地青原上共結茅堂了道機

包廡之碧岑樓感賦二首

凌虛高閣俯江阿江上桃花今幾何古渡風清喧燕雀晴天波暖浴龜鼉西山爽氣終朝挹滄海潮聲入夜多此事淒涼那可問夕陽回首一悲歌

天風吹客上層欄華髮蕭蕭照鵝冠海舶到來攏水落塞鴻飛盡暮天寒幾家煙火城頭出白頭山川鏡裏看誰信子牟猶戀闕每憑此地望長安

送柴季東長憲關中二首

天上啣書五鳳皇又傳西陝借馮唐重節旌麾臨關

月撫劍晴飛瀚海霜共舉漢章疏犴獄誰憑周鼎
龍荒漫遊當日重回首百二山河正渺茫
聲華早歲起春曹塵海馳驅已二毛法象下臨當雍
野僊旌西去陟煙霄三秦霜澤連青海二華煙花入
綵毫試問埋輪當日地幾人今似五陵豪

遊余同麓太史舒園二首

海門何處訪蓬萊滿地青山取次裁竹隱步兵留客
野天橫梁統選文臺側身危蹬千峯落極目澄湖一
鏡開莫道勝遊須作賦卑疎不是大夫才

海內雄風共屬君書藏石室早時聞幾家漁釣隣丹

壑一榻溪山寄白雲玩世名高中散態閉門草就太
玄文矢謨不負垂衣望可戀空林鹿豕群

湖上遣興

莽莽坤輿此十洲竭來心賞寄清遊煙霏倒映千門
色天漢遙通一水流疑有名妃貽解珮好同詞客賦
登樓青鞋白髮長無恙不道人間萬戶侯

己卯六月三日張纓泉袁池南張石里結社於
月湖草堂四首

海上懸車積有年每觀物色思逍然論心且就青門
客對酒初開白社筵風送棹歌來別浦雲浮杯影落

中天相將不覺歸來晚窈窕城頭片月懸

炎天散髮坐清湖並是高陽舊酒徒不道此中千象
緯更從何地問蓬壺棹歌夾岸時來往山氣當門乍
有無入手清尊隨意盡杖頭早已掛青蚨

春到江門草樹薰又看天際吐奇雲披襟喜得林園
趣接席慙非鸞鶴群袁紹獨高河朔興張陽爭擅侍
中文五湖煙水予家物一棹真堪此日分

一丘懸結大湖中六月涼生八面風天上不須雲母
障坐間却有水晶宮沙鷗片片浮當席海樹濛濛遠
映空如此過逢不盡興何言身世出樊籠

七月一日纓泉紫薇莊燕集二首

名莊縹緲國門西高會芳辰得重携
夾院薇花催送酒近人竹色待留題
從他節候飄桐葉還我心情駐馬蹄
塵務不攪風物爽沉冥猶自葆天倪

放舟何地納新涼名勝由來西郭堂
龍起霧雲餘澗壑風飄荷芰上衣裳
正堪榻影浮寒水何事蟬聲送夕陽
回騎漫教容易去舉頭煙樹鬱蒼蒼

題自鋤園二首

賜谷山人發興嘉園開半畝作生涯
不知玄圃三珠樹何似青門五色瓜
雨拾鷗羹供壽母時分雲子與

鄰家咲予簪力年來減嬾向東籬學種花
南山爽氣時當牖曲澗平泉細遶城不藉園丁輸畚
鍤偶過野老話陰晴帶經常日能周誦東未何年一
問耕食力從來高士抱漢陰濟北共知名

酬王鳳洲中丞

交臂論文上國飄別來夢想滿滄洲遠書纒綆高懷
見往事侵尋短髮愁肯向乾坤論軼落直驚詞賦擅
風流平原舊約依然在安得乘槎十日留

再次紫薇莊韻二首

炎郊不惜盡瓶西知是蘭亭舊侶携酒壓青州千日

醉調高白雪幾人題雲過臺落松梧影歲久階深鹿
豕蹄僊訣未須求海上等閒靜裏識端倪

一日金風薦早涼溪園爽氣結華堂呼童旋解歲時
鑰對客同披薜荔裳漫擬詞章傾鄴下最憐花樹似
河陽回思五十年來事眼底交游盡老蒼

暮春賓甫仲德集山池分得翁字

草閣微茫一徑通石橋雲影亘長虹千門花蹴中宵
雨獨樹鶯歌滿院風新火不禁三月暮故人又喜一
尊同綸竿直掛扶桑上與爾相期作釣翁

重陽日集池南宅二首

天空木落九秋期笑結萸囊一舉卮何處白衣能送
酒遶籬芳菊待題詩月殘江閣鳴砧急霜壓關河到
雁遲漫向風前論往事端居一飯是恩私

登高無地攬星槎結束西堂領物華園下早霜收橘
柚波涵穠水淨蕪葭餐英久自推元亮落帽何人學
孟嘉深夜出門君興盡解醒明日定誰家

送李澄城

有序

李子時中家封丘由郡知事轉簿澄城余嘉
靖甲寅左轄陝西戊午復補河南感今懷舊
爰賦斯篇

煌煌二陝域中開使節交加問俗來勝事已隨流水
去壯懷可向美人裁天低太華標僊掌路繞黃河出
漢臺曠典祇今歸異擢知君簿領濟時才

荅張允池允亭兄弟詩畫牡丹寄自杞上二首
敢論時態薄黃金不少瑤華重見臨白雪千穠高逸
調濁河九折見雄心從誰結束夷門俠還我高居梁
甫吟太室峯頭他夜月可能流影對披襟

江門罷霧起憑欄目極中原有二難入手驪珠沙海

眩向人龍劒斗牛寒雲飄羽客空中下

畫爲天僊

春借花

神雪裏看不信憂天仍杞俗萬年王氣擁長安

荅汝震詩寄

作客霜華好上頭爲懽猶自滯中州
梁王臺畔煙花簇煬帝河邊雪注浮
白眼定遭庸豎罵黃金肯博少年遊
何來高調飛揚甚巴客于今欲罷謳

壽華西洲

高居林壑謝明時五馬流風尚可師
驚座篇章推擊鉢名家書法會臨池
日高平野驅黃犢雨過名山斲紫芝
入眼親交能有幾需君笑晤百年期

余地師棠還豐城因訊朱鎮山司空

豐城劍氣肅陰陰有客西歸思不禁
袖束青囊司閫

關山餘紅葉罷登臨霜風一棹空江路海月千峯後
夜心太傳東山眠可穩蒼生憔悴忽如今

由溪隱赴寶嚴寺

桃溪風日暢新晴一路看山入化城峯插海明低樹
影雪消澗壑走春聲諸天花落空床靜滿袖香飄古
篆輕無那賞心猶未極夕陽歸鳥促飛旌

秋日集十洲閣泛湖次池南韻二首

仙侶相將孤島中恰逢秋色上簾櫳城開樹影千峯
出天落湖波一鏡空洗爵故當龍女窟乘槎疑觸廣
寒宮清談細酌何辭晚華月應開此夜濛

天青湖白總堪披，不藉氷輪一舉卮。
戶外笙歌三島路，水邊魚鳥隔年思。
香生庭桂花齊發，煖入江雲雁獨知。
莫訝幽襟持不得，滿林風露夜闌滋。

贈李鎮峯郡博

種老霜清菊滿庭，耽玄長日坐沉冥。
黃金不博相如賦，絳帳惟傳馬氏經。
閣上青藜分太乙，斗間紫氣避文星。
由來世運占吾道，可向

清朝嘆獨醒。

贈戴子謙

飛詔徵賢歲不虛，早從潘岳賦閒居。
尊開白社時呼

客亭對清湖只著書鷄肋時名堪獨咲鴻冥天路定
誰如方舟東下皆僊島待爾他年共結廬

荅皇甫百泉司勳

兩鄉阻絕悵離襟杪歲驚傳海上音自信臣心懸白
日誰知衆口鑠黃金獄成梁吏書堪上賦擬湘纍怨
豈深解道聲華俱是幻詎妨時態有升沉

酬張王屋

豪賢自昔起雲間張季才情未易攀賦擬三都高入
室書成無兩欲藏山借名游俠門常滿得意尊鱸夢
亦間幾夜扁舟携興往剡溪猶作雪中還

送中齋陳郡丞入覲二首

清時佐郡亦龔黃
歌徹驪駒興轉長
即有鶚書馳闕下
久聞花色擅河陽
天橫平野星隨馬
雪罷新豐夜舉觴
對客未應論

國禁 太平天子坐垂裳

九天宮闕曉齊開
萬國冠裳結轡來
述職自循周代典
賜金誰擅漢廷才
花明上苑淹回騎
露借金莖作壽杯
從此

廟謨動攬結和歌重向栢梁裁

周山人公瑕游次武林使問因答

來往吳閭錢泊舡
繫碇遙憶賞心年
風生稷下談天口
露積文園賣賦錢
傲世行藏餘白眼
向人懷抱半朱絃
洛迦東下無多路
會待觀濤興灑然

贈濟寰楊大尹入覲四首

五雲繚繞抗雙旌
祖帳聯翩壯北行
薊野斗懸天北極
河關霜老雁南征
歌風沛上思王略
吊古平原却酒兵
想到國門占太史
郎星遙接紫微明

天王北闕懸衡日
僊令東方奏計年
步擁金閭稱繫籍
班聯玉筍候鳴鞭
鈞天樂奏宮懸麗
合殿香披御篆偏
咨牧祗今脩舜典
好將民隱一敷宣

招搖東指亘天河曉起朝元爽氣多宸正明堂開左
个樂陳列職布中和兩階劍履高呼並萬國梯航虎
拜多不信郎官輕外服也應天上沐恩波

熙代循良屬魯公紫泥重拜且歸東旌搖大陸千門
柳濤挾長淮五兩風賜橐黃金誇

聖主闡郊竹馬走兒童豫愁得借無多日五色徵書
下合宮

贈孫參軍上計

諸方奏計集時髦遠道追趨可憚勞入幕久抒明郡
畫過門重眺廣陵濤風傳宮漏催華騎日閃龍文上

錦袍解道遭逢圖報稱直將意氣出諸曹

贈荅匡南邦侯

菟園隔絕海東頭魚素重來問舊游勝事縱隨江水
去思心常共白雲浮春風麗藻驕滕閣月夕飛觴壓
庾樓寶蓋朱甍紛結束總輸詞客擅應劉

賦匡南臺

蜚聲早歲起天家鳳覽千穠發興賒日上廬峯懸瀑
雪雲開燕甸吐宮霞品文雅自高梁代觸石從誰引
漢槎賦罷懷人時極目好憑吳練遡天涯

贈諭德沈慕閒封君二首

有序

封君耄壽會 大慶加恩弟影泉亦膺封子蛟門

太史晉諭德猶子大若授水部郎預錫命因贈

誰家門閑擅風流橋梓翩翩棣萼稠紫誥一時披鳳
鳥朱輪兩地夾驂騶歲星輝映今方朔月旦名高古
太丘咲我家隣瀛海上也隨青鳥上華籌

早時拜命上金扉先後班行父子稀歸向山中稱大
老喜聞天上疊恩暉尊携講幄餘僊釀篋到庭闌半
賜衣解道蟠溪釣璜叟后車當日正駢駢

贈沈影泉封君二首

有序

先是子大若拜水部郎會 皇儲大慶貤封兄慕

間賢從子蛟門晉諭德預錫命因贈

虹流華渚

帝圖昌運拜恩綸五鳳皇封染紫泥花是誥製分朱
綺鷺爲裳投竿氣壓滄溟長草奏香含畫省郎人代
遭逢殊不易况聞簪笏滿施床

莽蕩乾坤瑞靄浮競看心賞起南州

主恩錫慶從文母世祚流芳屬隱侯業寄鹿門還自
適枕葳蕤寶許誰求金昆玉友時驪並不數當年華
夢樓

送沈上舍應試南圻

家聲早歲起休文摘藻翩翩思不群龍劍忽從滄海
別鸛書應喜舊京聞天浮王氣高雙闕日抱澄江出
五雲不道關門逢詰吏棄繻今復有終軍

贈孫簿春芳遷連江丞四首

雅志凌雲可自由祇將鸞鳳嗣名流賢聲到處披明
鏡民隱關心欲白頭賦罷繭絲官自好障成鯨海惠
長留慙予隱約當遲暮推轂無能達

帝州

林居嬾性避塵紛意氣相看自不群忽漫驚車天末
去淒涼龍劍日邊分潮衝漁浦晴看雪臺蹲嚴陵曉

出雲臺底乾魚應好在幔亭將禮武夷君

江門祖帳似星羅唱徹驪駒發棹歌比極郎星開奕

燁南天物候入清和露章漫應官曹請民有乞雪涕

其如父老何路出山陰留別地高風猶覺一錢多

移官何必屬閩方時議遴才越故常禦寇久聞空杼

軸下車先擬開耕桑花封雨過枕榔暗燕寢風清荔

子香傳語江山回氣色于今良牧是孫陽

贈劉廣文大經遷太康王傳

有月

劉君起家宛陵古貌古心司郡庠教六年如一日

周貧翊弱贅餽輒却之舍甥陸生其一也第無能

報茲當遠行詩以贈之

博士傳經更需恩曳裾此去指朱門不知魯國春風
榻何似梁園雪夜尊嶽頂三花招羽客天涯芳草憶
王孫浮沉雅自從吾道賈董遺風可重論

送魯臬詹給諫偕龍洲孫柱史復官客部二首
兩賢蹤跡滯江鄉環召俄看下建章名起清朝餘抗
疏官聯粉署恣含香殊方玉馬來重譯合殿威儀領

太常今日

廟謨停羽獵未須詞賦擬長楊

天風吹客上燕臺並是中興禮樂才御氣曉瞻雙闕

合層冰春逼九河開玄都觀裏花仍發丹鳳樓前人
又來解道

主恩深是海不知報稱若爲裁

呂中甫北歸貽詩刻久不入城府戲簡

海岳馳驅嬾問津歸裝不減阮家貧閉門欲就藏山
業閱世難逢結襪人夢謝巫山猶暮雨賦成郢邸盡
陽春扁舟何日堪乘興觸目江門煙柳新

聞虜警

庚戌年

羯虜憑陵飲馬川南侵烽火徹甘泉欲知

聖主臨朝日正是天心悔禍年萬載蘿園

終屬漢九

送虎士競趨燕雄心無地杼籌畫夜夜啓櫺闥躡斗躔
送楊學諭文舉之武進

尺檄南來荷

主恩移官猶不廢經論西風驛路人千里斜日河橋
酒一尊觀樂幾人傳季子問奇今日有諸孫他時靈
雨稱沾渥信有滄池起化鯢

簡吳山人叔嘉

暄風嫋霧夾城花詞客重逢幾歲華漫就清歌矜白
雪且談寶劍拂青蛇華陽結社名猶起蓬島尋僊興
未涯雙樹夜來支一榻將因禪乘狎袈裟

贈吳賢奕還京口

攝生長日事青囊倒屣逢君思欲狂國手自應高楚
越家傳誰復祖岐黃風春花鳥催歸棹月夜江關笑
舉觴攬結三山餘興在相隨飛夢下錢塘

酬卓光祿澂甫

鳳鳥脩脩五色紛東行神爽出高雲諾同季布黃金
失伎擅張華武庫聞雙劍虹霓方吐氣一尊湖海又
離群賦成狗監何須借

明主同時雅好文

它山謁岳祠間道尋清秀別業即事

迢遙古廟鎖煙霞
乘興看山日欲斜
絕壑岸延頻下
馬平田雨過亂鳴蛙
誰家迥出鞦韆影
游客爭塞射
豹花清秀始知名
不忝旋招羽客飯胡麻

中甫還自燕翼聞西遊
出候諸僧舍不值詰朝
大雨遂東下簡謝

高人濡跡市朝間
一日來歸喜動顏
亟擬移舟臨剡
曲不知驅馬候禪關
天圍麥壠黃雲暗
潮滿花溪白
鳥間興淡猶然成獨
返曉風吹雨暗前山

酬嘉則

深居不下傳巖阿
綺閣穿雲寶藏羅
避俗總便高士

卧問竒能許故人過青山排闥催詩興華月橫江起
棹歌試問寰中來往客風波滿地欲如何

題嘉則

樓

縹緲層樓天上看僊家自古結清歡壺中日月隨來
往鏡裏山川對鬱蟠花氣撲人中寫滿劍光徹夜斗
牛寒風情不道年來減翠黛相將咲倚欄

送楊叅軍養親得告

才華迎刃幕僚稀何意清時遽拂衣炎雨蔽江輕遠
道白雲飛處憶親闈堂開萱草迎人喜鱸斫冰魚入
饌肥休暇想能懷舊好尺書何日問林扉

送胡少尹西歸

海隅佐政歲時過捐珮那堪此別何清世幾人甘草
澤畏途長日有風波地隣衡岳鴻書渺門對文江釣
侶多見說防胡需猛士招延計日下巖阿